

## Der Liedtext

<p><b>walliselle</b></p> <p>mir sy schwyzer mir sy walser mir si gänfer, bärner, fricker schaanfigger mir sy niederbipper, oberdeppe mir sy uschterner, mir sy fruschter mir sy schwarzeburger, rotheburger wysseburger mir sy luganese mir sy zürcher, briger mir sy zigertiger mir sy thurgauer, aargauer, hallauer basler, rothrischter mir sy bieler, oberwiler, lengwiler dagmerseller, kanderstätger solothurner badener, nidwaldner u erner mir sy friburger u mir si appizäller aber töif, töif drinn i üs sy mer all walliseller!</p> <p>walliselle, walliselle was söll i numme in walliselle uh walliselle hesch du en ahnig, balts, wo mir hei häre welle emel nid nach walliselle</p> <p>o nid nach aarau – ou ou ou aarau aarau ar aare dürefahre! aarau het zwöi outobahnzuebringer aarau oscht und aarau wescht u beidi göh uf walliselle walliselle, was söll i numme in walliselle</p> <p>oder in olte uh olte früecher hets öppis golte, olte hüt wott niemer me holten in olte alli fahre uf walliselle uf walliselle</p>	<p>oder spreitebach hunzenschwil – friss nid soviel schön singen in oensingen kolike in köllike</p> <p>u zofinge isch so schwierig z'finde e chue muhet in muhen aber d tankschtell isch zue u nöhar düre bi rot durch dürrenrot wohäre wettsch: nach gletsch muesch zrugg gäge brugg und nid richtig walliselle o nid nach luzärn s brönnt gärn z'luzärn, s brönnt gärn z'luzärn zrügg uf walliselle, uh walliselle</p> <p>walliselle mir hätte doch i ds wallis sölle u nid uf walliselle</p> <p>schaffhuse fahr use z schaffhuse da isch si mer druus aber mach dir nüt druus das isch so im blues</p> <p>abzelle, bölle schelle dä moudi geit uf walliselle chunnt er ume hei het er chrummi bei piff paff puff u du bisch duss in walliselle in walliselle</p> <p>mir hätte doch is wallis sölle u nid uf walliselle</p>
---	---